



Republika ng Pilipinas
Kagawaran ng Edukasyon

28 MAY 2013

MEMORANDUM PANGKAGAWARAN
Blg. **89**, s. 2013

BUWAN NG WIKANG PAMBANSA 2013

Sa mga: Direktor ng Kawanihan
Direktor ng mga Rehiyon
Tagapamanihala ng mga Paaralan
Pinuno ng mga Pampubliko at Pribadong Paaralan

1. Ang Komisyon ng Wikang Filipino (KWF) ay mangunguna sa pagdiriwang ng taunang **Buwan ng Wikang Pambansa** tuwing Agosto 1-31 alinsunod sa itinakdang Pampangulong Proklamasyon Blg. 1041, s. 1997. Ang tema ng pagdiriwang sa taong ito ay *Wika Natin ang Daang Matuwid*.
2. Ang layunin ng pagdiriwang ay ang mga sumusunod:
 - a. ganap na maipatupad ang Pampanguluhang Proklamasyon Blg. 1041;
 - b. mahikayat ang iba't ibang ahensiyang pampamahalaan at pampribado na makiisa sa mga programang tulad nito na nagpapataas ng kamalayang pangwika at sibiko; at
 - c. maganyak ang mamamayang Filipino na pahalagahan ang wikang Filipino sa pamamagitan ng aktibong pakikilahok sa mga gawain kaugnay ng Buwan ng Wikang Pambansa.
3. Hinati sa mga sumusunod na diwa ang pangkalahatang tema ng pagdiriwang:
 - Ang Wika Natin ay Wika ng Katarungan at Kapayapaan;
 - Ang Wika Natin ay Laban sa Katiwalian;
 - Ang Wika Natin ay Sandata Laban sa Kahirapan;
 - Ang Wika Natin ay Wika ng Mabilisan, Inklusibo, at Sustenidong Kaunlaran; at
 - Ang Wika Natin ay Wika sa Pangangalaga ng Kaligiran.
4. Ang mga nabanggit na sub-tema ang papatnubay at magsisilbing batayan ng lahat ng gawaing bubuuin at isasagawa sa isang buwang pagdiriwang. Hindi ito inayos sa pagkakasunod-sunod upang magkaroon ng kalayaan ang lahat sa pagpapalano ng programa.
5. Malugod na hinihikayat ng Tanggapang ito ang suporta at pakikilahok ng mga kinauukulan sa mga gawain at programa kaugnay ng pagdiriwang ng Buwan ng Wikang Pambansa.

6. Hinihiling sa mga kinauukulan na diretsong magsumite ng isang buwang programa ng pagdiriwang bago ang **Hunyo 31, 2013** sa:

Komisyon sa Wikang Filipino (KWF)

Sangay ng Impormasyon at Publikasyon

2/F Watson Bldg., JP Laurel Street, Malacañang Palace Ground

San Miguel, Maynila

Telepono Blg.: (02) 736-2524; (02) 736-2525; (02) 736-2519

Email Address: komfil.gov@gmail.com

Website Address: www.kwf.gov.ph

7. Hinihiling ang maaga at malawakang pagpapalaganap ng Memorandum na ito.



BR. ARMIN A. LUISTRO FSC

Kalihim

Sanggunian:

Memorandum Pangkagawaran: Blg. 104, s. 2012

Ilalagay sa Palagiang Talatuntunan
sa ilalim ng mga sumusunod na paksa:

CELEBRATIONS & FESTIVALS

CURRICULUM

Learning Area, FILIPINO

SCHOOLS

Madel: Buwan ng wika

0450 - May 16, 2013